

STAMBENO ZBRINJAVANJE DVADESET I JEDNE OSOBE IZBJEGLE IZ SIRIJE

Autor gorazde.ba

Srijeda, 04 Septembar 2013 12:58

Danas je u Maloj Sali Općine Goražde održan sastanak kome su prisustvovali načelnik Općine Goražde, mr. Muhamed Ramović sa saradnicima, kantonalni ministar za pravosuđe, upravu i radne odnose, Admir Pozderović, ministrica za socijalnu politiku, zdravstvo, raseljena lica i izbjeglice BPK-a, dr. Gordana Oršolić, te predstavnici UNHCR-a i Merhameta.

Na sastanku se govorilo o načinu pomoći sirijskim izbjeglicama, koje su svoje utočište od ratnih opasnosti potražile u Bosni i Hercegovini, u ovome slučaju Općini Goražde.



„Općina Goražde jedna je od onih lokalnih zajednica koja koristi svaku priliku i svoje raspoložive resurse kako bi se pomoglo svima onima kojima je pomoć potrebna. U ovome slučaju radi se o pomoći izbjeglicama iz Sirije koje svoju sigurnost i spas od rata i ratnih opasnosti traže u Općini Goražde. Sretan sam da su se u ovu priču i rješavanje problema uključile i kantonalne vlasti, ministrica za socijalnu politiku, zdravstvo, raseljena lica i izbjeglice BPK-a, dr. Gordana Oršolić, te kantonalni ministar za pravosuđe, upravu i radne odnose, Admir Pozderović, jer se ova tema tiče direktno pravde i ljudskih prava. Podržavamo i pozdravljamo i napore organizacija poput UNHCR-a, te Merhameta. Moji pomoćnici, saradnici i ja uvijek smo na raspolaganju svim građanima i svim osobama u nevolji, tako da smo dogovorili konkretne aktivnosti za smještaj dvadeset i jedne porodice, kao i participaciju u pripadajućim troškovima. Imamo želju i raspoloženje da pomognemo i pratimo njihov status za vrijeme boravka u Općini Goražde. Mi smo tu da sa svoje strane pomognemo i naredne sedmice organizovaćemo prebacivanje prve tranše prema Merhametu koji će dalje implementirati zaključke sa današnjeg sastanka i sredstva uplatiti u dogovorene svrhe. Mi najbolje znamo koliko je naša pomoć neophodna jer smo ne tako davno i mi bili u sličnoj situaciji. Govoreći o stambenom zbrinjavanju onih kojima je to najpotrebnije, raspisan je Tender, a mi ćemo da apliciramo sa projektom stambenog zbrinjavanja pedeset Roma. Nadamo se da će aplikacija biti uspješna i da ćemo i taj projekat realizirati uskoro.“-izjavio je Načelnik mr. Ramović na današnjem sastanku.

STAMBENO ZBRINJAVANJE DVADESET I JEDNE OSOBE IZBJEGLE IZ SIRIJE

Autor gorazde.ba

Srijeda, 04 Septembar 2013 12:58



Stambeno zbrinjavanje dvadeset i jedne osobe izbjegle iz Sirije